

**AXUDA Á INVESTIGACIÓN DA USC  
PUNTUACIÓN DAS ACTIVIDADES VALORABLES DE INVESTIGACIÓN  
2006**

## 1. DIRECCIÓN DE TESES DE DOUTORAMENTO

**Dirixidas/codirixidas** por profesores do departamento, instituto de investigación ou estación biolóxica da USC.

- Cualificación Cum Laude:.....8 puntos
- Outras cualificacións:.....6 puntos

No caso de teses europeas e/ou teses realizadas en programas con mención de calidade sumaranse 2 puntos ás cualificacións anteriores.

## 2. PUBLICACIÓN NON PERIÓDICAS

**2.1 LIBROS:** publicacións de mais de 50 páxinas, editadas con ISBN e que cumpran o requisito de que a editorial avale un proceso de avaliación por pares ou equivalente. Inclúranse neste apartado (i) as monografías; (ii) as edicións críticas sempre que os textos figuren con seu aparato crítico e un estudo razoado da fixación do texto; (iii) as edicións de documentos e córpora documentais cando vaian acompañadas de estudo introdutorio, notas críticas, glosarios, índices, etc; (iv) as traducións que inclúan estudos introdutorios e de anotación complementaria, que vaian alén do ámbito da divulgación. Non se valorarán as publicacións de: teses, memorias de licenciatura, proxectos fin de carreira, reedicións de libros non revisados ou ampliados, manuais de calquera tipo, libros de texto ou docentes, publicacións relacionadas con exposicións, cursos ou xornadas de formación, así como a función de editor de libros de congresos.

### EDITORIAIS MULTINACIONAIS

- Autor:.....12 puntos
- Editor/Coordinador (científico).....6 puntos

### EDITORIAIS NACIONAIS

- Autor:.....6 puntos
- Editor/Coordinador (científico).....3 puntos

**RECENSIÓNS:** as recensións recibidas por libros, utilizadas como parámetro de calidade dos libros, valoraranse de forma independente do seguinte modo:

- Recensións acumuladas ata un máximo de 6.....8 puntos

Exclúranse desta valoración as autorecensións. Non existe límite de tempo para valorar as recensións.

**2.2. CAPÍTULOS DE LIBROS:** o ámbito do libro virá dado polos dous primeiros díxitos do ISBN (84 nacional); no caso de carecer de ISBN o libro será considerado como nacional debendo ter cuberto, necesariamente, o campo do depósito legal.

#### EDITORIAIS MULTINACIONAIS

- Autor:.....5 puntos

#### EDITORIAIS NACIONAIS

- Autor:.....3 puntos

Non se valorarán neste apartado as contribucións derivadas de calquera tipo de evento.

A puntuación total da suma dos capítulos non poderá ser superior ao valor do libro completo.

### 2.3 PUBLICACIÓNS CURTAS:.....1 punto

Publicacións unitarias non periódicas que teñan ISBN e o seu número de páxinas sexa igual ou menor de 50 e maior de 4.

### 2.4 PUBLICACIÓNS DERIVADAS DE CONGRESOS (TEXTOS COMPLETOS):

Exclúense abstracts de congresos e publicacións relacionadas con cursos ou xornadas formativas. Teranse en conta as aportacións orixinais con publicación íntegra do texto de congresos que se celebren con periodicidade fixa e edición regular de actas.

- **Ámbito Internacional:**.....3 puntos  
(comité organizador e comité científico con membros de polo menos tres (3) países e amparado por unha sociedade de carácter internacional)
- **Ámbito Nacional:**.....1,5 puntos

## 3. PUBLICACIÓNS PERIÓDICAS:

Revistas e publicacións seriadas tanto en papel impreso como en formato electrónico.

### 3.1. Artigo en publicación tipo **A1**.....12 puntos

As revistas incluídas no **1º cuartil** logo da súa ordenación polo índice de impacto, segundo a súa categoría (materia/área), do último *Journal Citation Reports*.

**Área de Humanidades e Ciencias Sociais e Xurídicas** (e/ou non incluídas nos listados JCR) : revistas clasificadas como tipo A segundo o catálogo elaborado polo DURSI e que ademais teñan un índice ICDS (Índice Combinado de Distribución Secundaria) **maior de 8** nalgunha das seguintes bases de datos: DURSI ou MIAR.

### 3.2. Artigo en publicación tipo **A2**.....8 puntos

As revistas incluídas no **2º cuartil** logo da súa ordenación polo índice de impacto, segundo a súa categoría (materia/área), do último *Journal Citation Reports*.

**Área de Humanidades e Ciencias Sociais e Xurídicas** (e/ou non incluídas nos listados do JCR): revistas clasificadas como tipo A segundo o catálogo elaborado polo DURSI e que ademais teñan un índice ICDS (Índice Combinado de Distribución Secundaria) **menor de 8** nalgunha das seguintes bases de datos: DURSI ou MIAR.

**3.3. Artigo en publicación tipo A3.....4 puntos**  
As revistas incluídas na 2ª metade logo da súa ordenación polo índice de impacto, segundo a súa categoría (materia/área) do último *Journal Citation Reports*.

**Área de Humanidades e Ciencias Sociais e Xurídicas** (e/ou non incluídas nos listados do JCR): revistas clasificadas como tipo B segundo o catálogo elaborado polo DURSI. Tamén se contarán nesta categoría aquelas revistas que non figuren no catálogo elaborado polo DURSI, sempre e cando teñan asinado un ICDS superior a 4,00 no catálogo elaborado polo MIAR.

**3.4. Artigo en publicación tipo B.....2 puntos**  
Neste apartado inclúense: a) para as áreas de Humanidades e Ciencias Sociais e Xurídicas, as revistas clasificadas como tipo C ou D segundo o catálogo elaborado polo DURSI; b) para o resto das áreas, as revistas non incluídas no *Journal Citation Reports*. Para as revistas non clasificadas no catálogo elaborado polo DURSI nin recollidas no *Journal Citation Reports* deberá xustificarse o carácter científico da revista mediante a acreditación dos seguintes requisitos: (1) antigüidade mínima de dous anos, (2) constancia expresa nos exemplares do consello de redacción ou comité editorial; (3) ISSN, consignado en lugar visible; (4) información sobre o proceso de selección dos manuscritos para publicar; (5) al menos o 50% dos contidos deben referirse a traballos de interese científico. Estes requisitos teñen en conta as recomendacións do estudo que nesta materia realizou a FECYT.

## 4. ORGANIZACIÓN DE CONGRESOS

Por presidencia ou secretaría do comité organizador.

- **Ámbito Internacional:**.....3 puntos  
(comité organizador e comité científico con membros de al menos tres (3) países e amparado por unha sociedade de carácter internacional)
- **Ámbito Nacional:**.....1 puntos

## 5. PATENTES REXISTRADAS

Exclúense patentes solicitadas (Só as concedidas)

- **Internacional:**.....5 puntos
- **Nacional:**.....1 punto

## 6. SOLICITUDES DE PROXECTOS DE INVESTIGACIÓN

Valóranse as solicitudes de proxectos de investigación, si ben exclúense as declaración de interese e as solicitudes en fase de preselección. Esta contribución será unicamente presentada polo Investigador Principal da solicitude do proxecto correspondente.

- **Proxectos europeos, consorciados e cooperativos:**.....8 puntos
- **Proxectos Nacionais:**.....4 puntos
- **Proxectos Autonómicos:**.....2 puntos